



LJEKARSKA – LIJEČNIČKA KOMORA KANTONA SARAJEVO

Na osnovu Člana 29. Statuta Ljekarske - Liječničke Komore Kantona Sarajevo (daljem tekstu: Komora), Upravni odbor Komore na sjednici održanoj dana 02.09.2021. godine donio je

PRAVILNIK O DODJELI STIPENDIJA SOCIJALNO UGROŽENIM STUDENTIMA MEDICINSKOG FAKULTETA UNIVERZITETA U SARAJEVU

Član 1.

U cilju pomoći pri upisu na Medicinski fakultet redovnim studentima koji su položili prijemni ispit i nalaze se na Listi samofinansirajućih studenata Medicinskog fakulteta Univerziteta u Sarajevu, a koji zbog socijalnog statusa nisu u mogućnosti platiti upisninu, iz sredstava Ljekarske/Liječničke Komore Kantona Sarajevo dodjeljivat će se finansijska sredstva za upisninu.

Član 2.

Pravo na dodjelu stipendije ima 5 (pet) redovnih samofinansirajućih studenata prve godine integrisanog studijskog programa „medicina“, kao i u narednim školskim godinama redovni samofinansirajućih studenti druge i viših godina studija koji u roku polože sve predviđene predmete prethodne godine i ostvare prosjek ocjena 8.00 i više, a koji zbog socijalnog statusa nisu u mogućnosti platiti upisninu.

Član 3.

Iznos stipendije određuje se u visini upisnine za samofinansirajuće studenata.

Član 4.

Izbor redovnih samofinansirajućih studenata za dodjelu stipendije vrši se na osnovu spiska i prijedloga Medicinskog fakulteta Univerziteta u Sarajevu, uplatom na depozitni račun Kantona Sarajevo, nakon dostavljanja izjave iz člana 5. ovog Pravilnika.

Član 5.

Predloženi student dužan je Komori dostaviti notarski ovjenu Izjavu datu pod punom moralnom, materijalnom i krivičnom odgovornošću da su podaci dostavljeni Medicinskom fakultetu Univerziteta u Sarajevu u pogledu socijalnog statusa tačni. U protivnom, u slučaju davanja netačnih podataka isti će biti u obavezi vratiti iznos koji je Komora uplatila u njegovo ime po osnovu upisnine sa zakonskom zateznom kamatom za svaku godinu stipendiranja.

Predloženi student dužan je Komori dostaviti notarski ovjerenu Izjavu da će nakon diplomiranja, u Bosni i Hercegovini na radu provesti onoliko godina za koliko je primao stipendiju kao socijalno ugroženi student, te da se u suprotnom obavezuje da Komori vrati iznos primljen na ime stipendiranja sa zakonskom zateznom kamatom za svaku godinu stipendiranja.

Član 6.

Ukoliko student iz bilo kojeg razloga, osim u slučaju teške bolesti, ne pohađa redovno nastavu, dužan je vratiti iznos stipendije za uplaćenu akademsku godinu.

Član 7.

Ako je student istovremeno primao više stipendija ili pomoći, dužan je za razdoblje u kojem je uz stipendiju komore primao stipendiju ili pomoć po istoj ili nekoj drugoj osnovi, vratiti primljeni iznos stipendije i o tome obavjestiti Komoru.

Član 8.

Lista dobitnika stipendije iz sredstva Komore objavljuje se na web stranici Komore i web stranici Medicinskog fakulteta Univerziteta u Sarajevu.

Član 9.

Ovaj Pravilnik stupa na pravnu snagu danom usvajanja Skupštine Komore.

Broj: 932/2021
Sarajevo, 02.09.2021.

UPRAVNI ODBOR



Predsjednica prim. dr. Sabina Radulović